

SAOPĆENJE ZA JAVNOST

Izveštaj o radu Uprave policije MUP-a Kantona Sarajevo
za mjesec mart 2022.godine

KRIMINALITET

STATISTIČKI POKAZATELJI

U mjesecu martu 2022. godine na području Kantona Sarajevo, prema službenim evidencijama Uprave policije MUP-a Kantona Sarajevo, registrovano je 340 događaja sa obilježjem krivičnog djela (što je 62 ili 15,4% manje u odnosu na isti mjesec prethodne godine).

Od ukupnog broja registrovanih događaja sa obilježjem krivičnog djela, 163 ili 47,9% je evidentirano po poznatom izvršiocu, a 177 ili 52,1% po nepoznatom izvršiocu.

U izvještajnom mjesecu Uprava policije MUP KS je nadležnim tužilaštvima prosljedila na odluku putem administrativnog djelovodnika ukupno 276 obavijesti (84 manje) o događajima u kojima je pričinjena neznatna materijalna šteta¹.

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA
U MJESECU MARTU 2022/21. GODINE

mjesec	Broj događaja sa obilježjem krivičnog djela			Broj naknadno rasvijetljenih događaja evidentiranih po nepoznatom izvršiocu		Broj evidentiranih lica			Broj lica lišenih slobode
	Ukupno	od toga		Ukupno	od toga iz ranijeg perioda	Ukupno	od toga		
		po poznatom izvršiocu	po NN izvršiocu				maloljetnici	povratnici	
MART 2022. GODINE	340	163	177	60	49	198	5	108	82
MART 2021. GODINE	402	185	217	41	31	222	9	128	65
<i>uporedba</i>	-62	-22	-40	19	18	-24	-4	-20	17
	-15,4%	-11,9%	-18,4%	46,3%	58,1%	-10,8%	-44,4%	-15,6%	26,2%

U toku mjeseca marta ove godine prijavljeno je 198 lica (24 manje), 108 povratnika (20 manje) (ili 54,5% od ukupnog broja prijavljenih lica), pet maloljetnika (četiri manje), a 82 lica su lišena slobode (17 više).

Za događaje sa obilježjem krivičnog djela, koji su evidentirani u mjesecu martu 2022. godine, prema izjavama oštećenih lica, nastupila je materijalna šteta u ukupnom iznosu od 663.238,40 KM i 22.600 €.

**TABELARNI PREGLED DOGAĐAJA SA OBILJEŽJEM KRIVIČNOG DJELA U MJESECU MARTU 2022/21. GODINE
NA PODRUČJU KANTONA SARAJEVO PREMA KRIVIČNOM ZAKONU FBiH-a I KZBiH-a**

KZ FBiH-a i KZ BiH-a	MART 2022. GODINE	MART 2021. GODINE	uporedba ukupnog broja događaja sa obilježjem krivičnog djela		broj događaja po poznatom izvršiocu	broj događaja po NN izvršiocu	ukupan broj naknadno rasvijtjenih događaja	
			+ / -	%			broj	%
PROTIV ŽIVOTA I TIJELA	25	21	4	19%	21	4	3	75%
PROTIV SLOBODE I PRAVA ČOVJEKA I GRAĐ.	17	23	-6	-26,1%	17	0	0	---
PROTIV SPOLNE SLOBODE I MORALA	1	3	-2	-66,7%	1	0	0	---
PROTIV BRAKA, PORODICE I MLADEŽI	21	26	-5	-19,2%	21	0	0	----
PROTIV ZDRAVLJA LJUDI	24	33	-9	-27,3%	24	0	0	---
PROTIV IMOVINE	210	252	-42	-16,7%	42	168	55	32,7%
PROTIV OPĆE SIGURNOSTI LJUDI I IMOVINE	8	8	0	isto	5	3	1	33,3%
PROTIV SIGURNOSTI JAVNOG PROMETA	14	9	5	55,6%	14	0	0	---
PROTIV PRAVOSUĐA	2	1	1	100%	2	0	1	---
JAVNOG REDA I PRAVNOG PROMETA	10	20	-10	-50%	8	2	0	0%
PROTIV PODMIČIVANJA I KD PROTIV SL. I DR.	4	4	0	isto	4	0	0	---
ZONDINOIM-a (Sl.novine Kan. Sarajevo br.01/18)	4	2	2	100%	4	0	0	---
UKUPNO	340	402	-62	-15,4%	163	177	60	33,9%

U mjesecu martu 2022. godine u odnosu na isti mjesec prethodne godine, zabilježeno je značajno smanjenje broja registrovanih događaja sa obilježjem krivičnog djela za 62 ili 15,4%. Smanjenja su zabilježena u oblastima protiv imovine (za 42 događaja), javnog reda i pravnog prometa (za deset događaja), zdravlja ljudi (za devet), slobode i prava čovjeka i građanina (za šest), braka porodice i mladeži (za pet) itd., dok su povećanja evidentirana u oblastima protiv sigurnosti javnog prometa (za pet događaja), života i tijela (za četiri), itd.

PREGLED DOGAĐAJA SA OBILJEŽJEM KRIVIČNOG DJELA PO OBLASTIMA

PROTIV ŽIVOTA I TIJELA

Tokom mjeseca marta 2022. godine evidentirano je 25 događaja sa obilježjem krivičnog djela iz oblasti protiv života i tijela (četiri više u odnosu na mart 2021. godine) i to 21 po poznatom i četiri po nepoznatom izvršiocu. Evidentirani su sljedeći događaji:

- ubistvo u pokušaju (član 166. KZ FBiH u vezi člana 28.) - dva (jedan više),
- teška tjelesna ozljeda (član 172. KZ FBiH) – sedam (isto),
- lahka tjelesna ozljeda (član 173. KZ FBiH) – 16 događaja (šest više).

Nadležnom tužilaštvu podneseni su službeni izvještaji protiv 25 lica, od koji je 11 povratnika ili 44%, a osam je lišeno slobode.

PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 17 događaja sa obilježjem krivičnog djela (šest manje) - ugrožavanje sigurnosti, za koja je prijavljeno 17 lica, od kojih je sedam povratnika (ili 41,2%), a dva su lišena slobode.

PROTIV BRAKA, PORODICE I MLADEŽI

Iz oblasti protiv braka, porodice i mladeži u mjesecu martu evidentiran je 21 događaj sa obilježjem krivičnog djela (pet manje) - nasilje u porodici, za koje je prijavljeno 21 lice, od kojih je 11 povratnika (ili 52,4%), a 16 je lišeno slobode.

PROTIV ZDRAVLJA LJUDI

Evidentirana su 24 događaja sa obilježjem krivičnog djela iz oblasti protiv zdravlja ljudi (devet manje) i to:

- Neovlašćena proizvodnja i stavljanje u promet opojnih droga (čl. 238. KZ FBiH) – devet (sedam više),
- Posjedovanje i omogućavanje uživanja opojnih droga (čl. 239. KZ FBiH) – 15 događaja (13 manje).

Nadležnom tužilaštvu podneseni su službeni izvještaji protiv 25 lica, među kojima je 17 povratnika (ili 68%), a 11 lica je lišeno slobode.

Policijski službenici Uprave policije su Kantonalnom tužilaštvu Sarajevo podnijeli službeni izvještaj protiv 11 lica zbog postojanja osnova sumnje da su u proteklom periodu proizvodili (uzgajali stabljike „kanabisa“), kupovali opojnu drogu "Marihuanu", „Amfetamin“ od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona čime bi počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga) kao i protiv 28 lica koja su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga (“Marihuana”, “Amfetamin”, "Ecstasy", itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

PREGLED ODUZETE KOLIČINE OPOJNIH DROGA U MJESECU MARTU 2022/21. GODINE

vrsta opojne droge	MART 2022. godine	MART 2021. godine
Marihuana (paketići)	2	11
Marihuana (u gramima)	7.977,332	502,848
Amfetamin (u gramima)	561	3,923
Amfetamin (paketići)	0	5
Heroin (u gramima)	---	37,272
Extazy (u tabletama)	14	---
stabljike „kanabisa“	131	---
Speed (u gramima)	5,505	7.438
Speed (u paketićima)	5	---
Pribor sa ostacima droge	16	---

1.2.5. PROTIV IMOVINE

U ovom mjesecu, evidentirano je 210 događaja sa obilježjem krivičnog djela protiv imovine (42 po poznatom i 168 po nepoznatom izvršiocu) što je za 42 ili 16,7% manje u odnosu na isti mjesec prošle godine. Iz ove oblasti najbrojniji događaji sa obilježjem krivičnog djela su:

- teška krađa (član 287. KZ FBiH) – 96 (37 manje),
- krađa (član 286. KZ FBiH) – 58 (dva manje),
- razbojništvo (član 289. KZ FBiH) – 22 (četiri manje),
- oštećenje tuđe stvari (član 293. KZ FBiH) – 18 (dva više),
- prijevarama (član 294. KZ FBiH) - šest (četiri više), itd.

Nadležnom tužilaštvu podneseni su službeni izvještaji protiv 73 lica, od kojih je 49 povratnika (ili 67,1%), a 33 su lišena slobode.

Od ukupno 168 događaja evidentiranih po nepoznatom izvršiocu iz oblasti protiv imovine **naknadno je rasvijetljeno 55 ili 32,7%** što je za 14,8% više u odnosu na mart 2021. godine.

Prema objektima izvršenja teških krađa, 45 je izvršeno u stambene objekte (15 manje u odnosu na uporedni mjesec), 22 u poslovne prostorije (šest manje), 17 u motorna vozila (otuđenja motornih vozila i “provale” u ista) (15 manje), četiri na ulici (tri manje), itd.

U mjesecu martu ove godine otuđenja su četiri motorna vozila, a istovremeno su pronađena i vlasnicima vraćena četiri vozila od kojih su tri otuđena u ranijem periodu. Policijski službenici Uprave policije MUP-a KS-a pronašli su dva, MUP RS-a i vlasnik – po jedno vozilo).

Evidentirano je 58 događaja sa obilježjem krivičnog djela krađe (dva manje) i to na ulici - 32 puta, u poslovnim prostorijama – 11, u vozilima i na stajalištima GRAS-a - devet, u stambenim objektima – četiri, itd. odakle su otuđivani novčanici, mobiteli, auto-dijelovi, prehrambeni proizvodi, bicikli, željezni profili, itd.

Evidentirana su četiri događaja sa obilježjem krivičnog djela teških krađa na naročito opasan ili naročito drzak način (tri manje), u kojima su izvršioci, upotrebom fizičke snage (otimanjem i trganjem) - dva puta i verbalnom prijetnjom u dva slučaja, otimali mobitele i novac, a evidentirani su na ulici i u prodavnicama - po dva puta. Nadležnom tužilaštvu podneseni su službeni izvještaji protiv pet lica, povratnika u činjenju krivičnih djela.

Od ukupno 21. događaja sa obilježjem krivičnog djela razbojništva evidentiranog po nepoznatom izvršiocu, naknadno je rasvijetljeno 13 ili 61,9% (što je za 34,6% više u odnosu na uporedni mjesec).

Razbojništva su izvršena prijetnjom upotrebe vatrenog oružja - osam puta, prijetnjom upotrebe noža ili drugog oštrog predmeta – osam i upotrebom fizičke snage – šest, a počinjena su u prodavnicama – 12 puta, na ulici – pet, u sportskim kladionicama – dva, u apoteci, ugostiteljskom i stambenom objektu – po – jedno. Otuđivani su mobiteli, novac, nakit, cigarete, itd.

PROTIV OPĆE SIGURNOSTI LJUDI I IMOVINE

Iz ove oblasti evidentirano je osam događaja (isto) i to: izazivanje opće opasnosti – šest i teška krivična djela protiv opće sigurnosti ljudi i imovine - dva događaja, a nadležnom tužilaštvu podneseni službeni izvještaji protiv pet lica, povratnika u činjenju krivičnih djela, koji su lišeni slobode.

Događaji sa obilježjem krivičnog djela izazivanje opće opasnosti evidentirani su na otvorenom prostoru - četiri puta i u ugostiteljskom objektu – dva puta, pri čemu je u četiri slučaja otvorenim plamenom izazvan požar i dva puta je bačena nepoznata eksplozivna naprava. Posljedica izvršenja navedenih događaja je nastala materijalna šteta i uznemirenost građana.

PROTIV JAVNOG REDA I PRAVNOG PROMETA

U ovoj oblasti evidentirano je 10 događaja sa obilježjem krivičnog djela (10 manje) i to: nasilničko ponašanje – sedam, napad na službenu osobu u vršenju poslova sigurnosti, nedozvoljeno držanje oružja ili eksplozivnih materija i samovlašće – po jedan događaj.

Nadležnom tužilaštvu podneseni su službeni izvještaji protiv osam lica od kojih su četiri povratnika (ili 50%), a dva su lišena slobode.

DOGAĐAJI SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA

U mjesecu martu 2022. godine evidentirano je šest događaja sa obilježjem krivičnog djela, u kojima je učestvovalo pet maloljetnih lica. U odnosu na isti mjesec 2021. godine smanjen je broj događaja sa obilježjem krivičnog djela za 6 ili 50%, a broj prijavljenih maloljetnih lica za četiri ili 44,4%. Prijavljeni maloljetnici su u dobi do 16 godina – dva, od 16 do 18 godina – tri. Od ukupnog broja maloljetnika dva su povratnika u izvršenju događaja sa obilježjem krivičnog djela.

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA U MJESECU MARTU 2022/2021. GODINE

mjesec	Broj događaja sa obilježjem krivičnog djela	Broj evidentiranih maloljetnih lica
MART 2022. GODINE	6	5
MART 2021. GODINE	12	9
<i>uporedba</i>	<i>-6 ili 50%</i>	<i>-4 ili 44,4%</i>

STRUKTURA DOGAĐAJA SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA U MJESECU MARTU 2022/2021. GODINE

događaji sa obilježjem krivičnog djela (KZ FBiH)	mart 2022.	mart 2021.
Ubistvo u saučiniteljstvu	---	1
Teška tjelesna ozljeda	1	1
Lahka tjelesna ozljeda	3	1
Ugrožavanje sigurnosti	---	1
Nasilje u porodici	---	1
Nepostupanje po zdravstvenim propisima za vrijeme epidemije	---	1
Posjedovanje i omogućavanje uživanja opojnih droga	---	1
Razbojništvo	1	---
Oštećenje tuđe stvari	---	2
Neukazivanje pomoći osobi ozlijeđenoj u prometnoj nezgodi	---	1
Nasilničko ponašanje	1	1
Napad na službenu osobu u vršenju poslova sigurnosti	---	1
UKUPNO	6	12

AKTIVIRANJE MINSKO-EKSPLOZIVNIH SREDSTAVA

U toku mjeseca marta 2022. godine na području Kantona Sarajevo evidentirana su dva događaja aktiviranja minsko-eksplozivnih sredstava (jedan događaj u martu 2021. godine) usljed čega je nastupila materijalna šteta. Preduzimaju se aktivnosti na rasvjetljavanju ovih događaja i pronalaznju učinilaca.

U toku mjeseca marta 2022. godine evidentirano je 20 događaja anonimnih dojava o postavljanju eksplozivnih naprava, a odnosile su se na Policijske stanice, Uprave policije MUP KS (nije bilo u martu 2021. godine). Nakon KDZ pregleda utvrđeno je da su dojave bile lažne.

POŽARI

Tokom mjeseca marta 2022. godine, na području Kantona Sarajevo registrovana su 32 požara (osam više u odnosu na isti mjesec prethodne godine), u kojima je jedno lice poginulo, a jedno lice povrijeđeno.

Požari su registrovani na području općina: Ilidža - 10, Trnovo - osam, Novi Grad - četiri, Ilijaš - četiri, Stari Grad i Hadžići - po dva, Centar i Novo Sarajevo - po jedan požar.

Prema statističkim pokazateljima, pet požara je izazvano namjerno, dva nehatom, dva zbog tehničkih nedostataka, dok uzroci 23 požara spadaju u kategoriju ostalih.

Požari su registrovani u:

- Saobraćajnom sredstvu - pet puta,
- Stambenom objektu - tri,
- Poslovnom prostoru - dva,
- Šumi - dva,
- Pomoćnom objektu - jednom,
- Ostalim objektima - 19 puta.

Zbog izazivanja požara nadležnom tužilaštvu podnesena su četiri službena izvještaja iz člana 323 KZ FBiH (izazivanje opće opasnosti).

SAMOUBISTVA

U mjesecu martu 2022. godine na području Kantona Sarajevo registrovana su tri samoubistva (dva manje u odnosu na isti mjesec prošle godine) koja su izvršena vješanjem.

Samoubistva su izvršena na području općina: Centar, Novo Sarajevo i Ilijaš, a izvršiooci su muškarci starosne dobi: preko 50 godina - dva lica, od 40 do 50 godina - jedno lice.

OSTALE AKTIVNOSTI

U sklopu aktivnosti na oduzimanju nelegalno posjedovanog oružja i drugih predmeta oduzeto je 13 pištolja, četiri noža, 73 petarde, dva „boksera“, 120 komada municije raznog kalibra, itd.

Tokom mjeseca marta ove godine fizičkim licima izdato je 208 odobrenja za nabavku vatrenog oružja i 221 oružni list.

JAVNI RED I MIR

U toku mjeseca marta 2022. godine u oblasti protiv javnog reda i mira evidentirano je 359 prekršaja (1.990 ili 84,7% manje u odnosu na isti mjesec 2021. godine), a za izvršenje navedenih prekršaja prijavljena su 382 lica (1.981 ili 83,8% manje), od čega su 92 povratnika u činjenju prekršaja.

Zbog učinjenih prekršaja u oblasti protiv javnog reda i mira izdata su 303 naloga i podneseno je 56 zahtjeva za pokretanje prekršajnog postupka.

Na prekršaje utvrđene Zakonom o prekršajima protiv javnog reda i mira odnosi se 331 prekršaj (ili 92,2%), a na prekršaje koji su utvrđeni Odlukom općinskih vijeća o javnom redu i miru 28 (ili 7,8%).

Od ukupnog broja prijavljenih lica, prema starosnoj strukturi učinilaca prekršaja, najbrojniji su u dobi preko 36 godina (190), između 26 i 35 godina (129) i između 19 i 25 godina (63).

Prilikom narušavanja javnog reda i mira u mjesecu martu 2022. godine, nije bilo teže povrijeđenih lica (isto kao u martu 2021. godine), dok je 11 lica (jedno više) lakše povrijeđeno.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA
ZA MJESEC MART 2022/2021.GODINA

STRUKTURA PREKRŠAJA	MART 2022.	MART 2021.	+ - %
UKUPNO prekršajnih naloga i zahtjeva za ppp	359	2.349	-1.990 ili 84,7%
UKUPNO lica	382	2.363	-1.981 ili 83,8%
Prekršaji prema Zakonu o prekršajima protiv JRiM:	331	2.322	-1.991 ili 85,7%
- <i>Tuča</i>	29	31	-2 ili 6,4%
- <i>Naročito drsko ponašanje</i>	42	25	+17 ili 68%
- <i>Odbijanje naređenja i omalovažavanje pol. služb.</i>	26	188	-162 ili 86,2%
- <i>Prosjačenje</i>	142	73	+69 ili 94,5%
- <i>Paljenje petardi</i>	1	---	+1
- <i>Uživanje opojne droge na javnom mjestu</i>	18	3	+15 ili 500%
- <i>Svađa, vika, nepristojno ponašanje</i>	18	11	+7 ili 63,6%
- <i>Ostali prekršaji</i>	55	1.991	-1.936 ili 97,2%
Ukupno naloga/ zahtjeva prema Odluci o.v. o JRM	28	27	+1 ili 3,7%

Iz tabelarnog pregleda vidljivo je, da je tokom mjeseca marta 2022. godine, u odnosu na mart prethodne godine prema strukturi prekršaja povećan broj sljedećih prekršaja:

- prosjačenje za 69 ili 94,5%,
- naročito drsko ponašanje za 17 ili 68%,
- uživanje opojne droge na javnom mjestu za 15 ili 500%,
- svađa, vika, nepristojno ponašanje za sedam ili 63,6%,
- prekršaji koji su regulisani Odlukom općinskih vijeća za jedan ili 3,7%,
- paljenje petardi za jedan prekršaj;

dok je smanjen broj prekršaja:

- ostali prekršaji za 1.936 ili 97,2%,
- odbijanje naređenja i omalovažavanje policijskih službenika za 162 ili 86,2%,
- tuča za dva ili 6,4%.

Prema mjestu izvršenja, najveći broj prekršaja evidentiran je na ulici i na drugim otvorenim prostorima (336 ili 93,6% od ukupnog broja), a znatno manje u ugostiteljskim objektima – sedam, u školama – tri, u trgovinama – jedan, a na ostalim mjestima 12 prekršaja.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA PREMA MJESTU IZVRŠENJA ZA MJESEC
MART 2022/2021. GODINE

MJESTO IZVRŠENJA	MART 2022.	MART 2021.	+ - %
<i>Ulica i drugi otvoreni prostor</i>	336	2.332	-1.996 ili 85,6%
<i>Ugostiteljski objekti</i>	7	5	+2 ili 40%
<i>Vozila javnog saobraćaja</i>	---	---	---
<i>Sportski stadioni i dvorane</i>	---	---	---
<i>Škole (školska dvorišta)</i>	3	---	+3
<i>Trgovinske i zanatske radnje</i>	1	---	+1
<i>Ostala mjesta</i>	12	12	isti broj
UKUPNO	359	2.349	-1.990 ili 84,7%

U odnosu na isti mjesec 2021. godine, povećan je broj prekršaja u školama, školskim dvorištima za tri, u ugostiteljskim objektima – za dva ili 40% i u trgovinama i zanatskim radnjama za jedan, dok je broj prekršaja smanjen na ulici i drugim otvorenim prostorima za 1.996 ili 85,6%, a na ostalim mjestima evidentiran je isti broj prekršaja.

Na području Kantona Sarajevo u mjesecu martu 2022. godine održano je 235 javnih skupova (136 ili 137,4% više u odnosu na mjesec mart 2021. godine). Policijski službenici Uprave policije proveli su planske aktivnosti u cilju bezbjednog održavanja javnih skupova, a u 54 slučaja izvršeno je KDZ osiguranje.

SAOBRAĆAJ

Na području Kantona Sarajevo u mjesecu martu 2022. godine registrovano je 480 saobraćajnih nezgoda (14 ili tri % više), od čega su 432 sa materijalnom štetom (25 ili 6,1 % više) i 48 sa nastradalim licima (11 ili 18,6 % manje).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO U MJESECU MARTU 2022./21. GODINE

	mart 2022	mart 2021	uporedba
UKUPNO SAOBRAĆAJNIH NEZGODA	480	466	+ 14 ili 3 %
Saobraćajne nezgode sa nastradalim licima	48	59	- 11 ili 18,6 %
Saobraćajne nezgode sa materijalnom štetom	432	407	+ 25 ili 6,1 %
POGINULO LICA	0	3	- 3
- vozači	0	3	- 3
- putnici	0	0	-----
- pješaci	0	0	-----
POVRRIJEĐENO LICA	57	69	- 12 ili 17,4 %
- vozači	29	41	- 12 ili 29,3 %
- putnici	19	19	-----
- pješaci	9	9	-----

U naselju je registrovana 431. saobraćajna nezgoda (42 sa povrijeđenim licima i 389 sa materijalnom štetom), van naselja 49 nezgoda (šest sa povrijeđenim licima i 43 sa materijalnom štetom).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO U MJESECU MARTU 2022. GODINE (U NASELJU I VAN NASELJA)

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
u naselju		9	33	389	431		9	39
van naselja			6	43	49			9
UKUPNO		9	39	432	480		9	48

Prema kategoriji puta, najveći broj saobraćajnih nezgoda registrovan je:

- na ulicama u naselju - 298 nezgoda u kojima su 23 lica povrijeđena (pet teže i 18 lakše),
- na magistralnim putevima - 63 nezgode u kojima je 15 lica povrijeđeno (četiri teže i 11 lakše),
- na lokalnim putevima - 42. (osam lica lakše povrijeđeno),
- na regionalnim putevima - 18 (pet lica lakše povrijeđeno),
- na putevima koji se ubrajaju u kategoriju ostalih - 59 nezgoda u kojima je šest lica lakše povrijeđeno.

POSLEDICE SAOBRAĆAJNIH NEZGODA

Tokom mjeseca marta 2022. godine, u saobraćajnim nezgodama na području Kantona Sarajevo 57 lica je povrijeđeno (12 ili 17,4 % manje), od čega devet teže (tri ili 50 % više) i 48 lakše (15 ili 23,8 % manje). U mjesecu martu nije bilo poginulih lica (u uporednom mjesecu tri lica su poginula).

LICA POVRIJEĐENA U SAOBRAĆAJNIM NEZGODAMA

Od ukupno 57 povrijeđenih lica u mjesecu martu 2022. godine evidentirano je: 29 vozača (četiri teže i 25 lakše), 19 putnika (jedan teže i 18 lakše) i devet pješaka (četiri teže i pet lakše).

Starosna struktura nastradalih lica u saobraćajnim nezgodama je slijedeća:

- od 6 do 17 godina - četiri,
- od 18 do 20 godina - pet,
- od 21 do 24 godine - četiri,
- od 25 do 30 godina -14,
- od 31 do 40 godina - osam,
- od 40 do 50 godina -12,
- od 51 do 65 godina - četiri,
- 66 i više godina - tri,
- Nepoznata starosna dob - tri lica.

Starosna struktura nastradalih vozača u saobraćajnim nezgodama je slijedeća:

- od 18 do 23 godine - četiri lica,
- od 23 do 30 godina - 10,
- od 30 do 40 godina - četiri,
- od 40 do 50 godina - sedam,
- od 50 do 60 godina - dva,
- 60 i više godina - dva lica.

UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, uzroci saobraćajnih nezgoda su:

- neprilagođena brzina - 75 (20 lica povrijeđeno, jedno teže i 19 lakše),
- ostali uzroci - 405 (37 lica povrijeđeno, osam teže i 29 lakše).

AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca marta 2022. godine, policijski službenici Uprave policije MUP-a Kantona Sarajevo kontrolisali su:

- 17.122 vozila i vozača (2.889 više),
- 8.968 lica u vozilima (4.936 više),
- pregledali 211 vozila (26 više) i 189 lica u vozilima (39 više).

Zbog tehničke neispravnosti iz saobraćaja su isključena 63 vozila (53 više), 302 vozača su zatečena da upravljaju vozilom pod dejstvom alkohola (210 više), 554 lica bez korištenja sigurnosnog pojasa (282 više), 92 vozača bez položenog vozačkog ispita (74 manje), 54 vozača pod izrečenom zaštitnom mjerom (tri više), 342 vozača su zatečena da koriste mobitel tokom vožnje (37 više) i 256 vozila koja su učestvovala u saobraćaju bez važeće registracije (71 manje).

Zbog kršenja propisa iz oblasti sigurnosti saobraćaja uručeno je 15.610 prekršajnih naloga vozačima (2.142 ili 15,9 % više u odnosu na mjesec mart prošle godine) i podnesena 232 zahtjeva za pokretanje prekršajnog postupka (12 ili 4,9 % manje).

Policijski službenici Uprave policije organizovali su akcije pojačane kontrole vozača, višestrukih povratnika u činjenju najtežih oblika prekršaja, s posebnim akcentom na prekršaje koji se odnose na prekoračenje dozvoljene brzine kretanja motornih vozila, prolaska kroz raskrnicu na znak uključenog crvenog svjetla i vršenja radnji vozilom u saobraćaju.

MIRUJUĆI SAOBRAĆAJ I KONTROLA PJEŠAKA

Policijski službenici su tokom mjeseca marta 2022. godine provodili aktivnosti u okviru saobraćaja u mirovanju i kontrole kretanja pješaka.

Vozačima koji su vozila nedozvoljeno parkirali na javnim površinama, uručeno je 8.429 prekršajnih naloga (2.577 više), upozoreno je 206 vozača (30 više), a specijalnim vozilom "pauk" premještena su 152 vozila (98 više).

Takođe, pješacima koji su kršili propise uručena su 134 prekršajna naloga (59 više), a upozoren je 21 pješak (280 manje).

RAD POLICIJE U ZAJEDNICI

U okviru Rada policije u zajednici, policijski službenici Uprave policije MUP-a Kantona Sarajevo su tokom izvještajnog mjeseca preduzimali aktivnosti u cilju uspostavljanja saradnje sa građanima, mjesnim zajednicama, predstavnicima vjerskih zajednica, raznim udruženjima građana i nevladinim organizacijama.

Policajci u zajednici su svakodnevno na terenu, kroz proaktivno djelovanje i kontakte sa građanima, osobljem javnih ustanova, nevladinih i drugih organizacija, osiguravali stvaranje povoljnog ambijenta za život svih kategorija stanovništva.

Po pitanju koordinacije Rada policije u zajednici s vladinim i nevladinim organizacijama kao i implementacije javnih kampanja sa ciljem podizanja svijesti građana o važnosti jačanja partnerskog odnosa između policije i lokalne zajednice, realizovne su slijedeće aktivnosti:

- U saradnji sa VSTV BiH, MFS EMMAUS-Centar za sigurni internet i Ministarstvom za odgoj i obrazovanje Kantona Sarajevo kreirana je edukativna radionica za učenike srednjih škola pod nazivom: „Borba protiv trgovine ljudima“ i realizovana u JU „Poslovno-komercijalna i trgovačka škola“ za 30 učenika. Takođe ista radionica je održana i za Vijeće nastavnika i Vijeće roditelja OŠ „Osman Nakaš“, OŠ Osman Nuri Hadžić i OŠ „Peta osnovna škola Ilidža“.
- Održana edukativna radionica na temu „Stop drogama“ za učenike II razreda Srednje elektrotehničke škole;
- Održane edukativna radionica na temu „Policajac prijatelj“ za djecu i tinejdžere obrazovnog centra „School and School“ i djecu vrtića „Dječiji grad“;
- Nastavljena je realizacija projekta „Program socijalizacije s pravom“ kroz edukativnu radionicu u OŠ „Druga osnovna škola Ilidža“
- Održana edukativne radionice na teme „Stop vršnjačkom nasilju“ i Cyberbullying“ za učenike OŠ „Hasan Kikić“, OŠ „Prva osnovna škola Ilidža“, OŠ „Fatima Gunić“, OŠ „Džemaludin Čaušević“, OŠ „Osman Nakaš“, OŠ „Osman Nuri Hadžić“;
- Policajci u zajednici Uprave policije MUP-a Kantona Sarajevo su vodili evidenciju za poštivanje izrečenih zaštitinih mjera od strane Općinskog suda u Sarajevu iz oblasti nasilja u porodici, vršili obilazak i ostaviravali kontakt sa žrtvama nasilja kao i sa nasilnikom, da bi osigurali poštivanje izrečenih zaštitinih mjera, veći stepen sigurnosti žrtve kao i preventivno djelovanje na eventualno ponavljanje nasilja;

- Policajci u zajednici Uprave policije MUP-a Kantona Sarajevo ostavirali su kontakte sa predstavnicima osnovnih i srednjih škola u Kantonu Sarajevo, preduzimali različite aktivnosti čime su preventivno djelovali na različite neprihvatljive pojave u i oko školskih prostora;
- Policajci u zajednici Uprave policije MUP-a Kantona Sarajevo su ostvarivali kontakte sa građanima iz reda romske populacije i migrantima, s ciljem preventivnog djelovanja na pojavu narušavanja javnog reda i mira, prosjačenja i činjenja krivičnih djela, itd.

MIGRANTI

Na osnovu Izvještaja Operativnog tima za pitanja migranata, a prema podacima IOM-a na području Kantona Sarajevo u prihvatnim, azilantskim i imigracionim centrima trenutno borave cca 964 migranta (1.709 ili 63,9% manje u odnosu na isti mjesec prethodne godine).

U mjesecu martu 2022. godine migranti su učestovali u šest događaja sa obilježjem krivičnog djela (jedan ili 20% više) i to:

- Lahka tjelesna ozljeda (član 172. KZ FBiH-a) – dva,
- Teška krađa (član 287. KZ FBiH-a) – dva,
- Oštećenje tuđe stvari (član 293. KZ FBiH-a) – dva događaja.

Tokom mjeseca marta 2022. godine, službenici policije proveli su tri akcije, kontrolisali 85 migranata, od čega osam nije posjedovalo registracijski obrazac, sedam je predato službi za poslove sa strancima radi registracije i deset migranata je smješteno u prihvatne centre na području Kantona Sarajevo.

TABELARNI PREGLED OSNOVNIH STATISTIČKIH POKAZATELJA O MIGRANTSKOJ POPULACIJI

MJESEC MART 2022. GODINE	KANTON SARAJEVO
UKUPAN BROJ MIGRANATA KOJI BORAVI NA PODRUČJU KANTONA SARAJEVO (SLOBODNA PROCJENA I PODACI IOM-a)	964
UKUPAN BROJ KONTROLISANIH MIGRANATA	85
BROJ MIGRANATA LIŠENIH SLOBODE	5
BROJ KRIVIČNIH DJELA POČINJENIH OD STRANE MIGRANATA	6
BROJ PREKRŠAJA POČINJENIH OD STRANE MIGRANATA	0
BROJ INCIDENATA POČINJENIH OD STRANE MIGRANATA	6
BROJ MIGRANATA KOJI SU VRAĆENI IZ SUSJEDNIH DRŽAVA	0
BROJ AKCIJA POLICIJE VEZANIH ZA KRIJUMČARENJE ILEGALNIH MIGRANATA	3
BROJ MIGRANATA PREDATIH U IMIGRACIONI CENTAR ILI SLUŽBI ZA POSLOVE SA STRANCIMA	17

Sarajevo, 13.04.2022. godine

Odjeljenje za odnose s javnošću